



Progettù **"TARRANÓA E TERRANOIA"** – Annualità 2022
Finanziatu da la Legghji 482 di lu 1999, Altìcculi 9 e 15 e Legghji Regionali 22 di lu 2018

Azioni "Ciòani VISPI"

Bandiu pa' l'agghjudicamentu di bònì "voucher" pa' la pratica sportiva



Dati impulanti inn istrintu	
Tantu massimu di lu bònu "voucher"	250,00 €
Scadenzia pa' ricì li dummandi	la dì 13 di Friàgghju di lu 2023
Manéra pa' mandà di li dummandi	Pec o raccomandata a/r
Cuntatti sòlu pa' dummandà chjarimènti	sardegna@coni.it

* * * * *

1. Discrizioni e finalità di l'agghjutu

Illa posta in pratica di la Dilibbarazioni di la Giunta Regionali di la Regione Autonoma di la Saldìgna n. 23/11 di la dì 21 d'Agliòla di lu 2022 e di l'Accòldu chi è sigùtu tra la RAS e lu Dipaltimentu di li Politichi Cioanili di la Presidenzia di lu Cunsigliu di li Ministri, e ancóra di l'altu Accòldu chi è sigùtu tra la RAS e lu CONI C.R. Saldìgna la dì 15 di Sant'Andrìa di lu 2022, lu C.R. Saldìgna di lu CONI, mintuàtu a innanzi, è statu ingarrigatu di punì in pratica l'azione chjamata "Ciòani VISPI (Bònì Voucher Iscrizioni Sport pa' l'Inclusiòni)" chi selvi pa' assignà chisti bònì "voucher" pa' l'iscrizioni e la fraccuenza di corsi sportivi pa' ciòani residenti in Saldìgna sigundu li réguli e li scadenzi discritti meddhu ill'altìcculi chi sìghini chistu Bandiu.

2. Acchitti disponibbili

L'acchitti finanziari disponibbili destinati a l'assignazioni di li bòn "voucher" di l'Aziòni "Ciòani VISPI" di la Región Autonoma di la Saldìgna e di lu Fundu Nazionali Politichi Cioanili di lu Statu Italianu sò in tuttu 762.477,12 €.

3. Destinatarì e cosa tocca aé

- a) Sò destinatarì di l'agghjuti li ciòani chi a la data di presentazioni di la dummanda siani in pussessu di lu chi s'ghi:
- Età cumpresa tra li 14 e li 19 anni cumpriti;
 - Residenza inn un Cumuni di la Saldìgna cun di mancu di 30.000 abitanti;
 - Redditu ISEE di lu nucleu familiari di appartinenza suttu a li 12.000 €;
- b) Illu prisumu di nuclei familiari undi vi siani più ciòani in pussessu di lu chi selvi mintuàtu illu puntu a), si podarà prisintà la dummanda di partecipazioni pa' un nummaru massimu di dui ciòani cumponenti. Altu ciòani cumponenti in pussessu di lu chi selvi pa' fà la dummanda pòni esse pòsti illa graduatoria tra li chi sò "in pussessu ma no beneficiari" da undi poi si podaràni piddhà illu casu di mancata assignazioni di tutti l'acchitti disponibbili cu' la graduatoria di li chi sò in pussessu e beneficiari.

4. Entità e destinazioni di lu bònu "voucher"

- a) Lu bònu "voucher" pa' lu beneficiariu è destinatu a fà attività sportiva dilettantistica carragghjendi li costi di iscrizioni e di frequenza finza a a la concorrenza di lu tantu massimu di 250,00 € pa' dugna beneficiariu.
- b) L'attività sportiva dilettantistica mintuàta illu puntu a innanzi si pó fà sòlu in Società Sportivi o Associazioni Sportivi Dilettantistici in regola cun l'affiliazioni in Federazioni Sportivi Nazionali (FSN), Disciplini Sportivi Assuziati (DSA) o Enti di Promozioni Sportiva (EPS) ricunnotti da lu Comitatu Olympicu Nazionali Italianu (CONI) o da lu Comitatu Italianu Paralimpicu (CIP).

5. Manéra di presentazioni di la dummanda

La dummanda, anda fatta innantu a lu modellu allegatu a chistu Bandiu, no veni accittata siddhu no è compilata in dugna palti, sottuscritta sigundu la manéra di inviu sciuaràtu a innanzi da lu sugghjettu chi à la podestà genitoriali o da lu sugghjettu chi lu pó fa siddhu à cumpritu li 18 anni, agghjunghjendi la ciltificazioni ISEE vàlita e li documenti di identità di li chi àni fattu la dummanda e à d'arrià a lu CONI C.R. Saldìgna prima e no dapói di mezanotti mancu 1 minuttu (23:59) di la dì 13 di Friàgghju di lu 2023 illa manéra chi s'ghi:

- Cun raccomandata a/r in busta chjusa scrièndi a palti di fóra l'inghittu "Bandiu Ciòani VISPI" illa sedi di lu CONI - Cumitatu Regionali Saldìgna chi s'agatta in:

CONI – C.R. Saldigna, Carréra Bonaria n. 66, 09125 – Castéddhu;

O

- Mandendi la dummanda in manéra telematica in PDF sottuscritta a lu 'ndirizzu Pec: sardegna@cert.coni.it Lu fattu chi li documenti arréini lestri, è un arriscu sólu di ca' li manda. Venaràni presi in cunsidèru sólu li dummandi arriàti a lu CONI prima di la datta impustata; dapói di chista datta no venini accittati altu dummandi, ancóra siddhu mandati prima di la scadenza impustata o ancóra siddhu so in cambiu di chissi prisintati in tempu.

6. Crittèri di fulmazioni di li graduatori

Una `òlta cumpritu lu tempu di presentazioni di li dummandi mintuàti ill'alticculu a innanzi, lu CONI C.R. Saldigna cumenciarà l'avvilguamentu di li dummandi pa' fulmà la graduatoria di li chi sò affattenti beneficiari di lu bònu "voucher" e di l'affattenti no beneficiari.

Cun lu scòppu di fulmà li graduatori mintuàti a innanzi, di pudé dapói spaltì l'acchitti mintuàti ill'alticculu 2 tra li sugghjetti chi àgghjini prisintatu, in irrégula, la dummanda a chistu Bandiu, si pruzzedarà, illu rispettu di li dispusizioni inghjittati illa Dilibbarazioni di la G.R. n. 23/11 di la dì 21 d'Aglíola di lu 2022, a diltimínu di lu tantu spettanti a dugnunu sigundu li crittèri chi sìghini:

- a. Oldini inn alzata di redditu ISEE;
- b. Illu casu di mattèssi redditu ISEE, venarà data prioritài inn oldini in falata sigundu lu nùmmaru di cumpunenti di lu nucleu familiari chi póni fà la dummanda mintuàti ill'alticculu 3;
- c. Illu casu di mattèssi nùmmaru di cumpunenti chi póni fà la dummanda comu inghjittatu illu puntu b), venarà data prioritài a li ciòani candidati più minóri di 18 anni (calcolata in ciurràti). Illu casu di istanzia chi dummanda lu cuntribbattu pa' più cumpunenti, vèni tinuta in cunsidèru la summa di l'età inghjittata in ciurràti pa' li ciòani candidati pa' lu cuntribbattu e vèni posti in graduatoria li candidati inn òldini inn alzata sigundu l'età/summa di età.

7. Pubblicazioni di li graduatori

A cumprimentu di li graduatori, sigundu li crittèri mintuàti ill'alticculu 6, li mattèssi venaràni publicati sólu innantu a lu sittu internet di lu CONI C.R. Saldigna.

Pal chissu, dugna candidatu à d'avvilguà illu sittu web ufficiali di lu Cumitatu Regionali di lu CONI mintuàtu a innanzi (<https://sardegna.coni.it>) palchì no venarà mandatu avvisu passòna pa' passòna.

Altu opposizioni podaràni esse prisintati cun li mattèssi manéri mintuàti ill'alticculu prima di la scadenza di 10 dì da la pubblicazione; passatu chistu tempu, li graduatori doaràni esse ritinuti chjusi.

8. Avvilguamèntu e cumpùtu

Lu CONI C.R. Saldìgna podarà punì in ópara un cumpùtu di li dummandi prisintati da li candidati pa' avvilguà la `irità di li dichjarazioni fatti. Undi da li cumpùti e da l'avvilgumènti fatti, eschia a fóra lu falzu indrentu a celti dichjarazioni fatti a li sensi di lu D.P.R. n. 445/2000 e ss.mm.ii. o illu casu no s'iani stati mandati tutti li documènti chi selvini o no s'iani bastanti, lu dichjaranti, chena cuntà li gàrrighi passunali inn òldini a lu falzu dichjaratu, cascarà lu beneficiu cun l'esclusiòni, chi ni s'ighi, da la prattica e da la graduatoria maccari sia ghjà fulmata.

9. Frunimèntu di li bònì "voucher"

A cumprimèntu di li operaziòni mintuàti ill'alticculu 7 e, dunca, una `òlta agattati li beneficiari cumpruàti indrentu a lu tantu massimu disponibbili pa' lu frunimèntu di li bònì "voucher", li Societài sportivi e li Associazioni sportivi dilettantistici sciuaràti da li beneficiari mattèssi pa' lu punì in prattica di la prattica sportiva aràni di mandà entru 15 dì a lu CONI

C.R. Saldìgna, cun li mattèssi modalitài mintuàti ill'alticculu 5, una scrittura privata di impègnu a fà fidi illa andanzia di la prattica sportiva ricunniscèndi un abbònu finza a 250,00 € innantu a gàrrighi di iscrizioni e fraccuènzà di li beneficiari ciòani. La scrittura privata in paràula, di cumpilà innantu a lu modellu allegatu a chistu Bandiu, arà di stà sottuscritta sia da lu legali rappresentanti di la Societài sportiva o A.S.D., sia da lu sugghjèttu chi polta la podestài genitoriali o da lu sugghjèttu chi lu pó fà aèndi cumpritu 18 anni, e chi aia prisintatu la dummanda.

La societài sportiva/ ASD si ingarrighìghja di fà praticà a lu ciòanu beneficiariu a lu più lu mattèssi costu appustatu pa' altu ciòani sportivi chi sò iscritti illa mattèssi societài aèndi di chjarì illa scrittura lu `alóri di l'abbònu praticatu e li costi di iscrizioni e di fraccuènzà "lordi" di bucani. A lu mattèssi tempu, lu sugghjèttu ingarrigatu di la podestài genitoriali arà di accittà lu cuntribbutu in folma d'abbònu innantu a l'iscriziòni e innantu a lu tantu di fraccuènzà.

Dapói di aè riciùtu la scrittura privata in paràula, lu CONI C.R. Saldìgna pruzzèdarà a dà subbitu lu `alóri di lu bònì "voucher" ricunnòttu illu mumentu in faóri di la Societài sportiva / ASD sciuaràta a innanzi, sólu pal mezu di bonificu bancariu in faóri di lu c/c intestatu a la mattèssi Societài / ASD.

10. Infulmaziòni

Altu dummandi di infulmaziòni pa' chistu Bandiu podaràni esse mandati a l'indirizzu e-mail sardegna@coni.it

11. Ingarrigàtu di lu pruzzidimentu

Lu 'Ngarrigàtu di lu pruzzidimèntu è lu Presidenti p.t. di lu CONI C.R. Saldìgna.

12. Infulmativa innantu a lu trattamentu di li datti passunali

La RAS, cun sedi legali in Castéddhu, Carréra manna Trento 69, Codici Fiscali e P. IVA 80002870923, rappresintata pa' la legghji da lu Presidenti di la Giunta Regionali pa' un trèttu di tempu ("Titolari" pa' lu tempu a innanzi), in galitài di titolari di lu trattamentu pal mezu di lu Direttori Generali pa' un trèttu di tempu, delegatu di lu Titolari pa' lu trattamentu di li datti liàtu a li procedimenti in gàrrigu a la Direziòni Generali di la Pubblica Istruziòni, a li sensi di lu Decrettu Presidenziali n. 48 di la dì 23 di magghju di lu 2018, infolmani a li sensi di l'altìculi 13 e 14 Regulamentu UE n. 2016/679 (divintatu dapói, "GDPR") chi li datti venaràni trattati cun li manéri e pa' li scòppi chi sìghini.

Oggettu di lu Trattamentu

Lu Titolari tratta li datti passunali e/o idintificativvi (nommu, sangunìgghju, indirizzu, telefonu, e-mail, indirizzu pec, riferimènti bancari e di pacamentu, dichjaraziòni ISEE, codici fiscali, documenti di idintità ecc. tutti datti di beneficiari candidati a esse cunfolmi a lu cuntribbùttu e sugghjetti dichjaranti liàti chi àni la podestà genitoriali e chissi di li legali rappresentanti di li societài sportivi o associazìoni sportivi misciati ill'agghjutu), pa' li finalitài di assignaziòni di li bònì "voucher" e illu ramu di la gestioni di lu pruzzidimèntu liàtu da lu CONI e da la REGIONI, dapói chjamàti "datti passunali" o ancóra "datti".

Finalitài e basi ghjuridica di lu trattamentu

Li datti passunali vènini trattati a li sensi di l'altìcculu 6 littara e) di lu GDPR palchì lu trattamentu è ministéri pa' lu punì in prattica un compitu di intaressu publicu o liàtu a lu punì in pràttica di poteri pubblici undi è invistutu lu titolari di lu trattamentu e no è, dunca, ministéri accapità li cunsensi di li intarissati. Li réguli di la pruzzidura s'agattani illa siziòni di l'avvisu, chi sarà sigùtu da lu CONI e cuntenarà chista infulmativa.

Lu trattamèntu venarà trattatu illu sighì li finalitài chi sìghini: gestiòni di li pruzziduri rifferuti a l'avvisu publicu, predisposiziòni e pubblicaziòni di li graduatori, gistiòni di lu cuntribbùttu e assegnaziòni, avvìlguamèntu, cumpùtu, attivitài di "audit", cònti.

Manéri di trattamentu

Lu trattamentu di li datti passunali è cuntiviciatu pal mezu di l'operazioni inghjittati ill'alticculi 4 n. 2 di lu GDPR e di prizzisu: accapità, riggistrà, l'organizzazione, la appustà, adducà, adattà o mutà, tustà, computà, trattà, la cumunicazioni pal mezu di la trasmissioni, la diffusioni o cassisia altu folma di posta a dispusizioni, lu cunfrontu o l'interconnessioni, la custrizioni, lu turrà a nuddha o lu strimèntu.

Li datti passunali sò sugghjetti a trattamèntu sia in papéri, sia elettronicu e/o automatizzatu e venaràni assintati e adducati ill'archiviu di la Direzioni Generali di la Pubblica Istruzioni di l'Assessoratu di la Pubblica Istruzioni, Beni Culturali, Infurmazioni, Spettacculu e Sport cun riferimentu a la finalitai di lu pruuzzidimentu di assegnazioni di li bñni "voucher". Lu Tittulari tratterà li datti passunali pa' un trèttu di tempu di 10 anni a plti da la data di cumprimèntu di la prattica e inn una folma chi venghia bè a idintificà li passòni intarissati sòlu pa' lu trettu di tempu nizissariu pa' lu cunsighimentu di li finalitai chi sò stati assintati o, infattu, trattati li datti.

In cambi, pa' lu trattamèntu di li datti pa' l'archiviazioni illu 'ntarèssu publicu, di cilca scientifica o storica o a lu scòppu statisticu, a li datti venarà applicatu l'alticculu 89 di lu GDPR, e, undi sia pussibbili chena preghjudicà in manéra grài o rindi impussibbili lu cunsighimentu di chisti finalitai, venaràni agghjunti pruvidimènti tecnici e olganizzativvi cun lu fini di garantì lu prinzippiu di la minimizzazioni di li datti.

Pa' trattà li datti

Li datti podaràni esse libbari a intrà pa' li finalitai di assignazioni di li bñni "voucher" e rendicontazioni a dipendenti e collaboradóri di lu Titolari o di altu Responsabili di fóra di lu trattamèntu, illa só' galitai di cumpruati pa' lu trattamentu e/o di amministradóri di sistema.

Comunicazioni di li datti

Lu Titolari podarà mandà li datti pa' li finalitai di assignazioni di li bñni "voucher" e rendicontazioni a altu paltizioni amministrativi di la Regioni Autonoma di la Saldigna, com'e Autoritai di Gistioni di li fundi, Uffici impustati a li cumpùti di I livellu, Uffici impustati pa' attivitai di "Audit", Uffici preimpustati pa' l'ativitai di gistioni cuntabbili e di bilanciu ecc. e ancóra a chissi sugghjetti, ancóra di fóra di la Regioni, chi pal chissi la comunicazioni sia d'ubbricu pa' legghji o venghia fatta dapói di autorizazioni infini di lu Titolari pa' lu trattamentu pa' pultà a innanzi li finalitai mintuati a innanzi.

Trasferimentu datti

Li datti passunali vènini adducati innantu a lu server di la Regioni Autonoma di la Saldìgna e ill'archivio in papéri, indrentu a l'Unioni Europea o illi server di lu Coni.

Tippu di lu cunferimentu di li datti e cunsighenzi di lu rifiutu di rispondì

Lu cunferimentu di li datti passunali è d'ubbrìcu palchì nizissariu a lu scoppu di l'andanza di l'attività liàti a lu pruuzzidimèntu e, siddhu cumbìna, di l'opposiziòni o dummanda di cancellaziòni da palti di l'interissatu cumpolta l'impossibilitài di paltizzipà o pultà addananzi la pruuzzidura.

Dritti di lu 'ntarissatu

Li 'ntaressati àni li dritti mintuàti ill'alticculu 15 GDPR e più infini:

- di aé lu cumpróu di l'esistenza o no di datti passunali chi so liàti, puru siddhu no sò ancóra rigghistrati, e la só' comunicaziòni in folma intelligibili;
- di aé lu 'nghjittu:
 - di l'origini di li datti passunali;
 - di li finalitài e manéri di lu trattamèntu;
 - di la logica applicata in casu di trattamèntu fattu cun l'agghjutu di strumenti elettronichi;
 - di l'estremi identificativi di lu titolari, di li 'ngarrigati e di lu rappresentanti inghjittatu a li sensi di l'alticculu 3, comma 1, GDPR;
 - di li sugghjetti o di li categorii di sugghjetti undi póni esse comunicati li datti passunali o che possini 'innennni a sapé sendi rappresentanti inghjittati illu tirrittóriu di lu Statu, di responsabbili o ingarrigati;
- di aé:
 - l'aggiornamentu, la rettifica o, candu selvi, l'agghjunta di li datti;
 - la cancellaziòni, lu mutamèntu in folma anonima o lu felmu di li datti trattati andèndi fóra régula di legghji, cumpresi chissi undi no è nizissariu adducalli sigundu li scoppi chi li datti sò stati accapitati, o dapói, trattati;
 - l'attestaziòni chi l'operaziòni mintuàti illi littari a) e b) sò stati fatti sapé, ancóra pa' lu chi cuntènini, di chissi chi li datti sò stati comunicati o bandiati, salvu lu casu undi chissu adempimentu si mostra impussibbili o cumpolta un trattugnu di mèzi fóra misura cunfolma a lu drittu tutelatu;
- di oppunissi, in tuttu o in palti pa' muttìi legittimi a lu trattamentu di li datti passunali aiddhi rifferuti, liàti a lu scoppu di accapità li datti mattessi;

undi si pó applicà, àni ancóra li dritti mintuàti ill'alticculi 16-21 GDPR (Drittu di rettifica, drittu a l'olvidu, drittu di limitaziòni di trattamèntu, drittu a la poltabbilitài di li datti, drittu di opposiziòni), comu puru lu drittu di cuntestaziòni a l'Autorità Garanti.

Manéra di palisà li dritti

È pussibbili in cassisia mumentu palisà li proppi dritti mandèndi:

- una raccomandata a/r a Regioni Autonoma di la Saldigna, Assessoratu di la pubblica istruzioni, beni culturali, infulmazioni, spettacculu e sport, Direzioni Generali di la Pubblica Istruzioni, Silvìziu Politichi scolastici, Carréra manna Trieste, 186, Cagliari;
- una PEC a lu 'ndirizzu: pi.dgistruzione@pec.regione.sardegna.it.

Rifirimenti e cuntatti di lu titolari, responsabbili e ingarrigati

A li sensi di lu Regulamentu (UE) 2016/679 rifirutu a lu galdà di li passòni fisichi, più infini, a lu trattamentu di li datti passunali e ancóra a lu libbaru anda e torra di chissi datti, lu Titolari di lu trattamentu è la Regioni Autonoma di la Saldigna, cun sede legali in Cagliari, Carréra manna Trento 69, Codici Fiscali e P. IVA 80002870923, rappresintata pa' la legghji da lu Presidenti pa' un trèttu di tempu di la Giunta Regionali; Lu 'ngarrigatu da lu Tittulari pa' lu trattamentu di li datti didicati a li pruzzidimenti in garrigu a la Direzione Generali di la Pubblica Istruzioni è lu Direttori Generali pa' un trèttu di tempu, cunfolma lu Decrettu Presidenziale n. 48 di la dì 23 di magghju di lu 2018,

mail: pi.dgistruzione@regione.sardegna.it,

pec: pi.dgistruzione@pec.regione.sardegna.it,

tel: 070/6064941.

Lu 'Ngarrigatu pa' galdà di li datti di la Regioni Autonoma di la Saldigna, numinatu cun Decrettu Presidenziali n. 47 di la dì 23 di magghju di lu 2018, podarà esse cuntattatu a li cuntatti chi sìghini:

rpd@regione.sardegna.it,

pec: rpd@pec.regione.sardegna.it,

tel: 0706065735.